

MALAYSIA
DEWAN RAKYAT
ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 31 MAC 2016, PUKUL 10.00 PAGI

Bil. 16

PERTANYAAN-PERTANYAAN BAGI JAWAB LISAN

1. PR-1341-L73450
Tuan Haji Ahmad Nazlan bin Idris [Jerantut] minta **MENTERI PERTANIAN DAN INDUSTRI ASAS TANI** menyatakan apakah usaha dan rancangan Kementerian untuk mengalakkan industri akuakultur di Jerantut memandangkan Jerantut mempunyai sumber sumber air sungai yang baik dan bersih.
2. PR-1341-L72565
Tuan V. Sivakumar [Batu Gajah] minta **MENTERI KEWANGAN** menyatakan selain daripada pihak bank, siapakah pihak-pihak lain yang turut diberi kuasa untuk menyenarai hitam seseorang pelanggan di bawah CTOS dan CCRIS. Adakah pihak Kerajaan bersedia untuk mengkaji semula sistem CTOS dan CCRIS yang mempunyai banyak kelemahan dalam pengamalannya.
3. PR-1341-L72049
Dato' Noraini binti Ahmad [Parit Sulong] minta **MENTERI SUMBER ASLI DAN ALAM SEKITAR** menyatakan bagaimana sebarang bahaya daripada *genetically modified organism* atau GMO dapat dielakkan memandangkan Malaysia masih lagi bergantung kepada pengimpotan makanan haiwan yang diubahsuai secara genetik.
4. PR-1341-L72083
Tan Sri Dato' Seri Abd Khalid bin Ibrahim [Bandar Tun Razak] minta **MENTERI DALAM NEGERI** menyatakan perincian perangkaan tahunan bilangan penduduk yang terlibat dengan penyalahgunaan dadah antara 2010-2015, pecahan latar belakang pesalah mengikut etnik, asal atau tempat tinggal (bandar atau luar bandar) serta strategi yang telah dan akan diambil untuk menangani permasalahan ini.
5. PR-1341-L73470
Tan Sri Dato Sri William Mawan Ikom [Saratok] minta **MENTERI KOMUNIKASI DAN MULTIMEDIA** menyatakan apakah tindakan yang telah dan akan diambil Kementerian untuk memastikan pengusaha-pengusaha Telco di negara ini dapat meningkatkan lagi mutu perkhidmatan pada orang ramai terutamanya dalam industri jalur lebar.

6. PR-1341-L72227
Tuan Wan Hasan bin Mohd Ramli [Dungun] minta **MENTERI KERJA RAYA** menyatakan langkah-langkah untuk mengelakkan pencerobohan haiwan demi keselamatan pengguna Lebuhraya Pantai Timur (LPT2) .
7. PR-1341-L72013
Tuan Anyi Ngau [Baram] minta **MENTERI PENDIDIKAN** menyatakan bilangan sekolah rendah kebangsaan luar bandar di Sarawak dan Sabah yang memerlukan pembaikan daripada segi fizikal amnya dan di Baram khususnya. Nyatakan perancangan serta tindakan yang telah diambil untuk menangani cabaran ini.
8. PR-1341-L72465
Ust. Datuk Dr. Mohd. Khairuddin bin Aman Razali [Kuala Nerus] minta **MENTERI PEMBANGUNAN WANITA, KELUARGA DAN MASYARAKAT** menyatakan kategori dan jumlah kes penderaan kanak-kanak bagi tempoh 2008 hingga 2015 serta punca-punca dan langkah-langkah menanganinya yang dilakukan.
9. PR-1341-L72267
Dato' Hasbullah bin Osman [Gerik] minta **MENTERI KEMAJUAN LUAR BANDAR DAN WILAYAH** menyatakan adakah pihak Kementerian bercadang dan merancang untuk membantu peniaga kecil digital Melayu agar perniagaan mereka akan terus berkembang dengan lebih pesat sepertimana kejayaan Kementerian membangunkan Mara Digital sebelum ini.
10. PR-1341-L72668
Tuan Gobind Singh Deo [Puchong] minta **MENTERI PENDIDIKAN** menyatakan sama ada Kerajaan sedia membina sebuah sekolah rendah kebangsaan dan sebuah sekolah menengah kebangsaan untuk kawasan-kawasan Taman Puncak Jalil dan Taman Equine.
11. PR-1341-L72377
Datuk Juslie bin Ajirol [Libaran] minta **MENTERI PELANCONGAN DAN KEBUDAYAAN** menyatakan program yang berkaitan promosi dan acara pelancongan di peringkat domestik terutama di negeri Sabah.
12. PR-1341-L71684
Dr. Che Rosli bin Che Mat [Hulu Langat] minta **PERDANA MENTERI** menyatakan pencapaian dan sumbangan besar Institut Profesional Baitulmal dalam membantu membangunkan insan yang dapat memenuhi keperluan tenaga kerja negara.
13. PR-1341-L72421
Datuk Ikmal Hisham bin Abdul Aziz [Tanah Merah] minta **MENTERI KEMAJUAN LUAR BANDAR DAN WILAYAH** menyatakan adakah Kementerian itu membuat kajian mengenai kerugian yang ditanggung oleh peniaga-peniaga Bumiputera berikutan pengharaman vape dan apakah usaha yang dilakukan bagi membantu mereka berikutan pengharaman penjualannya oleh beberapa Kerajaan Negeri.

14. PR-1341-L71828
Tuan M. Kulasegaran [Ipoh Barat] minta **MENTERI PENDIDIKAN** menyatakan sebab-sebab mahasiswa dan guru lepasan UPSI tahun 2014 dan 2015 masih belum dilantik untuk mengajar Bahasa Tamil di sekolah menengah atau di Sekolah Kebangsaan Tamil.
15. PR-1341-L72182
Dato' Ahmad Fauzi bin Zahari [Setiawangsa] minta **MENTERI PEMBANGUNAN WANITA, KELUARGA DAN MASYARAKAT** menyatakan adakah Kementerian mempunyai perancangan untuk memberikan bantuan khas seperti barang-barang asas bayi kepada ibu-ibu yang bersalin di Hospital Kerajaan dan terdiri dari mereka yang berpendapatan rendah bagi membantu mengurangkan beban mereka.
16. PR-1341-L72731
Tuan Sim Tong Him [Kota Melaka] minta **MENTERI SUMBER ASLI DAN ALAM SEKITAR** menyatakan :-
 - (a) keluasan kerja-kerja tambak laut yang telah dijalankan sejak tahun 2001 sehingga 2015 dan apakah kesan-kesan yang dikenalpasti yang merosakkan alam sekitar dan impak sosial; dan
 - (b) berikan keluasan kerja-kerja tambak laut setiap negeri dan juga keluasan yang telah lulus untuk projek tambak laut tahun 2016.
17. PR-1341-L72005
Datuk Joseph Salang anak Gandum [Julau] minta **MENTERI PENDIDIKAN** menyatakan sebab-sebab prestasi sekolah desa lebih rendah daripada prestasi sekolah bandar dan apakah langkah-langkah atau tindakan dalam mengatasi masalah tersebut.
18. PR-1341-L73018
Tuan Wong Sze Phin @ Jimmy [Kota Kinabalu] minta **PERDANA MENTERI** menyatakan jenis-jenis biasiswa yang ditaja oleh Kerajaan dan jumlah penerima bagi setiap jenis biasiswa yang diberikan di Sabah dari tahun 2005-2015. Apakah syarat yang perlu ada bagi setiap penerima biasiswa terbabit.
19. PR-1341-L73432
Datuk Wira Haji Ahmad bin Hamzah [Jasin] minta **MENTERI SUMBER ASLI DAN ALAM SEKITAR** menyatakan apakah langkah-langkah yang diambil oleh Kementerian dalam usaha mengawal kawasan tadahan air hujan agar kawasan hutan yang ada tidak diterokai tanpa kerosakan.
20. PR-1341-L71820
Tuan Fong Kui Lun [Bukit Bintang] minta **MENTERI DALAM NEGERI** menyatakan program sifar jenayah telah berjaya dilaksanakan dalam Kuala Lumpur yang melibatkan pasukan polis dan orang awam terutama dalam kawasan tumpuan para pelancong.

21. PR-1341-L72853
Ir. Shaharuddin bin Ismail [Kangar] minta **MENTERI PENDIDIKAN** menyatakan sejauh manakah elemen perpaduan telah dapat dipupuk melalui kewujudan sekolah jenis aliran vernakular.
22. PR-1341-L73464
Tuan Wong Ling Bui [Sarikei] minta **MENTERI PERTANIAN DAN INDUSTRI ASAS TANI** menyatakan bahawa dengan peningkatan tiga kali ganda levi bagi pekerja asing dalam bidang pertanian, apakah langkah yang akan diambil oleh Kerajaan untuk memastikan petani-petani masih dapat menanggung kos sara hidup selepas pelaksanaan GST dan penyusutan ringgit Malaysia.
23. PR-1341-L72482
Puan Hajah Normala binti Abdul Samad [Pasir Gudang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan apakah langkah yang akan diambil oleh Kementerian bagi mengawal perniagaan yang dijalankan oleh pekerja asing sama ada berlesen atau tanpa lesen agar dapat membendung pendominasian perniagaan oleh golongan mereka.
24. PR-1341-L72306
Tuan Jeff Ooi Chuan Aun [Jelutong] minta **MENTERI DALAM NEGERI** menyatakan senarai semua syarikat swasta yang terlibat dalam kontrak untuk membawa masuk 1.5 juta pekerja Bangladesh dalam tempoh tiga tahun akan datang. Senaraikan juga jenis bidang kerja serta tanggungjawab yang disyaratkan ke atas syarikat-syarikat tersebut.
25. PR-1341-L72990
Dato' Seri Tiong King Sing [Bintulu] minta **MENTERI DALAM NEGERI** menyatakan :-
- (a) berapakah jumlah permohonan yang telah mendapat kelulusan daripada pihak Kementerian bagi mendapatkan taraf kewarganegaraan di bawah Perkara 15 (1), 15 (2) dan 15 A untuk penduduk-penduduk di negeri Sarawak terutamanya di Bintulu; dan
 - (b) berapakah jumlah permohonan yang telah mendapat kelulusan daripada pihak Kementerian bagi mendapatkan perakuan dan pengesahan taraf kewarganegaraan di bawah Perkara 19 untuk penduduk-penduduk di negeri Sarawak.
26. PR-1341-L72380
Dato' Mohd Ariff Sabri bin Abdul Aziz [Raub] minta **MENTERI SUMBER MANUSIA** menyatakan :-
- (a) berapakah kos dalam RM untuk membawa masuk 1.5 juta pekerja Bangladesh; dan
 - (b) dalam sektor apakah yang mereka ini akan ditempatkan.

27. PR-1341-L71659
Dr. Noor Azmi bin Ghazali [Bagan Serai] minta **PERDANA MENTERI** menyatakan adakah Kerajaan bercadang untuk melakukan pemutihan dan penapisan kepada pegawai-pegawai Kerajaan yang sedia ada bagi mengelakkan ketirisan serta kebocoran maklumat daripada berlaku.
28. PR-1341-L72431
Tuan Chong Chieng Jen [Bandar Kuching] minta **MENTERI KEWANGAN** menyatakan untuk tahun 2015, apakah perbezaan hasil sebenar yang dikutip oleh Kerajaan dari pengeluaran minyak berbanding dengan hasil anggaran itu yang dibuat dalam Bajet 2015, khususnya akibat daripada penurunan harga minyak antarabangsa.
29. PR-1341-L72750
Tuan Che Mohamad Zulkifly bin Jusoh [Setiu] minta **MENTERI PENDIDIKAN** menyatakan sama ada akan mempertimbangkan agar semua sekolah di negara ini dilengkapi dengan alat perakam CCTV bagi memantau kes jenayah di kalangan pelajar sekolah.
30. PR-1341-L71885
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan langkah-langkah Kementerian mengenal pasti sektor pekerjaan terhadap 1.5 juta pekerja Bangladesh yang diluluskan oleh Kerajaan dalam negara ini.
31. PR-1341-L72321
Datuk Noor Ehsanuddin bin Mohd Harun Narrashid [Kota Tinggi] minta **MENTERI KERJA RAYA** menyatakan adakah Kementerian mempunyai *road map* dalam mempertingkatkan penggunaan *Industrialised Building System* (IBS) dalam semua industri pembinaan di Malaysia.
32. PR-1341-L71770
Datuk Wee Jeck Seng [Tanjong Piai] minta **MENTERI TENAGA, TEKNOLOGI HIJAU DAN AIR** menyatakan bilakah sistem kumbahan mesra alam dapat dilaksanakan di penempatan atas air di Pekan Kukup sebagai pemangkin kepada industri pelancongan sesuai dengan kluster Daerah Pontian sebagai kawasan pelancongan luar bandar dalam hala tuju pembangunan pelancongan Negeri Johor 2016-2020.
33. PR-1341-L71784
Datuk Haji Datu Nasrun bin Datu Mansur [Silam] minta **PERDANAMENTERI** menyatakan apakah langkah dan peranan Kementerian dalam menangani isu Palahu yang terlalu banyak di Sabah. Golongan ini tidak mempunyai negara dan sentiasa berlegar di kawasan perairan Sabah, justeru bukan sahaja memburukkan pemandangan kawasan bahkan boleh menjejaskan imej dan keselamatan negara sekiranya tiada penyelesaian dan langkah berterusan yang diambil oleh pihak Kementerian.

34. PR-1341-L73285
Tuan Gooi Hsiao-Leung [Alor Setar] minta **MENTERI PERTANIAN DAN INDUSTRI ASAS TANI** menyatakan sama ada Kementerian telah membuat keputusan untuk menubuhkan semula Lembaga Padi dan Beras Negara (LPN) seperti yang ditubuhkan dahulu untuk mengawal selia industri padi, dan sekiranya ya, bilakah ia akan ditubuhkan.
35. PR-1341-L71713
Dato' Haji Abdul Rahman bin Haji Mohamad [Lipis] minta **MENTERI KEWANGAN** menyatakan kesan yang dialami oleh Kerajaan ketika negara menghadapi penurunan harga minyak dunia dan kejatuhan nilai matawang Ringgit Malaysia.
36. PR-1341-L73221
Tuan Ahmad Marzuk bin Shaary [Bachok] minta **MENTERI SUMBER ASLI DAN ALAM SEKITAR** menyatakan kesan fenomena air pasang besar dan ombak besar yang berlaku di sepanjang pantai Kelantan. Apakah benteng dan 'groin' yang sedia ada dan bakal dibina mampu menghadapi ancaman pada masa hadapan.
37. PR-1341-L72284
Dr. Haji Izani bin Haji Husin [Pengkalan Chepa] minta **MENTERI KEWANGAN** menyatakan keberkesanan pemberian BRIM dalam meningkatkan ekonomi bumiputera. Apakah pembelaan Kerajaan kepada mereka yang tidak menerima BRIM hasil rasionalisasi subsidi.
38. PR-1341-L71855
Tuan Khoo Soo Seang [Tebrau] minta **MENTERI KESIHATAN** menyatakan apakah langkah-langkah yang diambil oleh Kementerian untuk mengkaji keberkesanan vaksin denggi pertama *dengvaxia* yang diciptakan di dunia dan adakah mempunyai cadangan untuk menggunakan vaksin tersebut di Malaysia sekiranya ia terbukti berkesan serta berapakah anggaran jumlah kos rawatan untuk vaksinasi tersebut.
39. PR-1341-L71951
Dr. Mansor bin Abd Rahman [Sik] minta **MENTERI PERUSAHAAN PERLADANGAN DAN KOMODITI** menyatakan senarai kadar harga getah semasa bagi negara-negara jiran seperti Thailand, Indonesia, Cambodia, Vietnam dan Burma dan kenapakah Kerajaan tidak boleh menaikkan harga getah kepada satu harga lantai memandangkan perlaksanaan mekanisme subsidi sekarang banyak menghadapi masalah.
40. PR-1341-L73251
Tuan Nik Mohamad Abduh bin Nik Abdul Aziz [Pasir Mas] minta **MENTERI PERDAGANGAN ANTARABANGSA DAN INDUSTRI** menyatakan langkah memperkukuhkan hubungan dagang dalam kalangan negara OIC.

41. PR-1341-L72793
Tuan R. Sivarasa [Subang] minta **MENTERI PENDIDIKAN** menyatakan sama ada Kerajaan sedia untuk mendesak Parti Malaysia Indian Congress (MIC) kembalikan kepada SJKT Effingham di Bandar Utama, Petaling Jaya, 3 ekar tanah yang merupakan separuh tanah asal keluasan 6 ekar yang telah diperuntukkan oleh pemaju asal Bandar Utama Development Sdn Bhd untuk satu sekolah rendah di sana tetapi tidak diberikan kepada SJKT Etingham dan telah diberikan kepada MIC.
42. PR-1341-L71620
Dato' Haji Mohd Zaim bin Abu Hasan [Parit] minta **MENTERI DALAM NEGERI** menyatakan apakah langkah yang diambil bagi menghalang sindiket-sindiket haram melakukan kutipan derma daripada orang ramai bagi tujuan aktiviti keganasan.
43. PR-1341-L73166
Tuan Ahmad Baihaki bin Atiqullah [Kubang Kerian] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan dalam tindakan dan langkah penyesuaian Bajet 2016, Kerajaan telah mengumumkan penetapan harga rumah RM300 ribu ke bawah dijual hanya kepada pembeli rumah pertama sahaja. Apakah rasionalnya dengan penetapan polisi tersebut khususnya kepada para pemaju dan pembeli rumah kedua terutamanya di Negeri Kelantan.
44. PR-1341-L72515
Datuk Haji Shabudin bin Yahaya [Tasek Gelugor] minta **MENTERI PERDAGANGAN ANTARABANGSA DAN INDUSTRI** menyatakan apakah langkah-langkah seterusnya yang bakal dilaksanakan khususnya dalam memberikan penjelasan kepada rakyat berkenaan kebimbangan dan kekusaran rakyat berkenaan TPPA ini.
45. PR-1341-L72326
Dato' Haji Zainudin bin Ismail [Jelebu] minta **MENTERI KEWANGAN** menyatakan pelan tindakan dan strategi serta langkah jangka masa pendek dan panjang bagi mengelakan nilai ringgit daripada terus jatuh padahal nilainya harus meningkat kerana nilai ringgit dikatakan *under value*.
46. PR-1341-L71802
Datuk Jumat bin Idris [Sepanggar] minta **MENTERI PERDAGANGAN ANTARABANGSA DAN INDUSTRI** menyatakan :-
- (a) apakah kesan kejatuhan nilai matawang ringgit terhadap industri kecil dan sederhana; dan
 - (b) apakah langkah Kerajaan dalam mengekang nilai ringgit agar tidak terus susut.
47. PR-1341-L71988
Tuan Ng Wei Aik [Tanjong] minta **MENTERI PERTAHANAN** menyatakan setiap kali berlakunya pencerobohan kapal perang China dan negara-negara lain ke dalam kawasan perairan Malaysia dalam tempoh lima tahun yang lepas dan apakah tindakan yang telah diambil oleh Angkatan Tentera Malaysia bagi mempertahankan kedaulatan negara kita.

48. PR-1341-L72401
Tuan Liew Chin Tong [Kluang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan statistik berikut semenjak dasar pengasingan sisa dimulakan:-
- (a) jumlah kutipan sisa boleh dikitar semula, sisa makanan, sisa tak boleh dikitar semula dan jumlah keuntungan; dan
 - (b) jangka hayat bagi 14 tapak pelupusan sanitari yang akan dipanjangkan, terutamanya tapak pelupusan sanitari Bukit Tagar.
49. PR-1341-L71903
Tuan Anuar bin Abd. Manap [Sekijang] minta **MENTERI SUMBER MANUSIA** menyatakan bilakah sistem akreditasi tunggal bagi *Technical and Vocational Education Tertiary (TVET)* akan mula dilaksanakan bagi memastikan penyelarasan dan pelaksanaan TVET menjadi lebih baik.
50. PR-1341-L73299
Dato' Hasan bin Arifin [Rompin] minta **MENTERI PERTANIAN DAN INDUSTRI ASAS TANI** menyatakan jumlah pendaratan ikan pada tahun 2013, 2014 dan 2015 dan pengeluaran ikan air tawar pada tahun 2013, 2014 dan 2015.
51. PR-1341-L73474
Dr. Mohd Hatta bin Md. Ramli [Kuala Krai] minta **MENTERI KEWANGAN** menyatakan mengapa penyelarasan Bajet 2016 tidak diumumkan secara formal dalam sidang Dewan Rakyat dan dibuat di Putrajaya sahaja.
52. PR-1341-L72180
Datuk Mohd Idris bin Jusi [Batu Pahat] minta **MENTERI DALAM NEGERI** menyatakan tentang pertambahan rumah-rumah perjudian di kawasan-kawasan perumahan dan akibat yang ditanggung penduduk setempat, dan apakah langkah-langkah yang telah diambil untuk membasmiikan gejala tersebut.
53. PR-1341-L73272
Tuan Haji Hasbi bin Haji Habibollah [Limbang] minta **MENTERI PENGANGKUTAN** menyatakan dapatkah MasWings mewujudkan penerbangan secara terus dari Kuching ke Limbang dan *vice versa* dan *transit* untuk jangka masa yang pendek di Sibul, Bintulu atau Miri dan bukannya terpaksa menunggu selama empat ke lima jam atau bermalam di Miri seperti sekarang.
54. PR-1341-L73363
Dato' Ar. Wan Mohammad Khair-il Anuar bin Wan Ahmad [Kuala Kangsar] minta **MENTERI PERDAGANGAN DALAM NEGERI, KOPERASI DAN KEPENGUNAAN** menyatakan apakah pendirian Kementerian kepada cadangan untuk mewartakan harga *standard* bagi semua barangan dan perkhidmatan kepada pengguna.

55. PR-1341-L72743
Dr. Ismail bin Daut [Merbok] minta **MENTERI SUMBER MANUSIA** menyatakan jumlah semasa tenaga mahir dalam negara dan apakah langkah-langkah yang diambil Kementerian bagi memastikan sasaran sebanyak 50 peratus tenaga mahir menjelang 2020 dapat direalisasikan.
56. PR-1341-L72159
Dr. Michael Jeyakumar Devaraj [Sungai Siput] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan mengapa aduan terhadap Pemaju Conci One yang dikemukakan oleh penduduk Tmn Kledang, Sg Siput bertarikh 27/8/2015, belum dibalas. Adakah Kementerian bercadang menganjurkan mesyuarat bersama antara penduduk, Majlis Perbandaran Kuala Kangsar dan Conci One.
57. PR-1341-L73335
Dato' Othman bin Aziz [Jerlun] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan keberkesanan pelaksanaan pengasingan sisa pepejal yang telah bermula pada 1 September 2015 di Kedah dan apakah bentuk kekangan yang dihadapi dalam menjayakan kempen ini khususnya di kawasan luar bandar di Kedah.
58. PR-1341-L73200
Datuk Rozman bin Isli [Labuan] minta **MENTERI PERTANIAN DAN INDUSTRI ASAS TANI** menyatakan adakah Kerajaan berhasrat untuk membenarkan pengimportan semula produk berasaskan daging dari Filipina yang mempunyai sumber daging yang banyak dan memperluaskan perdagangan makanan halal di kedua-dua negara.
59. PR-1341-L73132
Dato' Abdul Manan bin Ismail [Paya Besar] minta **PERDANA MENTERI** menyatakan skop dan peranan Majlis Halal Malaysia (MHM) berbanding Jawatankuasa Khas Kabinet Pengurusan dan Pembangunan Industri Halal Malaysia dalam usaha menjadikan negara ini sebagai peneraju global industri halal.
60. PR-1341-L73063
Dato' Haji Mohd Fasih bin Haji Mohd Fakeh [Sabak Bernam] minta **MENTERI PERTANIAN DAN INDUSTRI ASAS TANI** menyatakan langkah Kerajaan bagi mengekang penggunaan benih padi tidak sah atau "beg putih" yang menghasilkan padi angin dan mengurangkan hasil tuaian sebagai langkah bagi meningkatkan tahap sara diri (SSL) pesawah.
61. PR-1341-L72201
Puan Hajah Zuraida binti Kamaruddin [Ampang] minta **MENTERI SUMBER MANUSIA** menyatakan apakah pelajar lepasan vokasional sedia ada tidak diperlukan dalam pasaran kerja hari ini sehingga perlu mengambil pekerja asing.

62. PR-1341-L71644
Datuk Seri Panglima Haji Abdul Ghapur bin Haji Salleh [Kalabakan] minta **MENTERI KEWANGAN** menyatakan :-
- (a) apakah benar pelaburan Amanah Saham Bumiputera (ASB) yang tersiar dalam laman web akan dibekukan selepas simati meninggal dunia dan tidak ada waris yang boleh menuntut; dan
 - (b) jika benar, apakah tindakan yang Kerajaan harus ambil untuk waris-waris dapat menuntut pelaburan tersebut.
63. PR-1341-L71934
Dato' Mansor bin Othman [Nibong Tebal] minta **PERDANA MENTERI** menyatakan status kewangan Lembaga Tabung Haji terkini khususnya hal-hal pulangan pelaburan, dasar pemberian bonus tahun kewangan 2015 dan kedudukan wang rezabnya.
64. PR-1341-L72992
Puan Rubiah binti Haji Wang [Kota Samarahan] minta **MENTERI PENDIDIKAN TINGGI** menyatakan apakah penemuan kajian-kajian yang dilaksanakan mengenai *cost of living* mahasiswa di universiti awam dan langkah-langkah bagi mengatasinya.
65. PR-1341-L72891
Tuan Sim Chee Keong [Bukit Mertajam] minta **MENTERI SUMBER MANUSIA** menyatakan statistik sektor informal dan *vulnerable employment* di Malaysia mengikut kategori umur, gender, negeri, kaum, tahap pengajian, jenis industri dan maklumat gaji. Sila berikan definisi kerajaan tentang sektor informal dan *vulnerable employment* beserta contoh.
66. PR-1341-L72245
Tan Sri Datuk Seri Panglima Annuar bin Musa [Ketereh] minta **MENTERI PERTANIAN DAN INDUSTRI ASAS TANI** menyatakan bentuk bantuan yang disalurkan kepada kira-kira 150,000 orang petani dan penternak yang terjejas akibat banjir di Kelantan dan apakah langkah proaktif yang diambil agar golongan petani dan penternak lebih bersedia bagi menghadapi bencana pada masa hadapan.
67. PR-1341-L73064
Tuan Mohamed Hanipa bin Maidin [Sepang] minta **MENTERI KEWANGAN** menyatakan :-
- (a) berapa jumlah terkini hutang tertunggak 1MDB dan senaraikan pemiutang-pemiutang (*Lenders*) 1MDB tersebut beserta jumlah tertunggak 1MDB bagi setiap pemiutang itu; dan
 - (b) daripada hutang-hutang tersebut di atas, berapakah jumlah hutang yang dijamin oleh Kerajaan.

PADA PERMULAAN URUSAN MESYUARAT
MENGEMUKAKAN RANG UNDANG-UNDANG KERAJAAN
UNTUK BACAAN KALI YANG PERTAMA

1. **Menteri Sumber Asli Dan Alam Sekitar**

- * Rang Undang-Undang Institut Penyelidikan Perhutanan Malaysia 2016.

* Menandakan bahawa Rang Undang-undang ini akan dibawa pada semua peringkat di mesyuarat ini.

ATURAN URUSAN MESYUARAT DAN USUL-USUL

1. (D.R. 36/2015) Rang Undang-undang Keselamatan Sosial Pekerja (Pindaan) 2015 - **Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (30 Mac, 2016)**

[Menteri Sumber Manusia]
2. (D.R. 30/2015) Rang Undang-undang Syarikat 2015 **Bacaan Kali Yang Kedua**

[Menteri Perdagangan Dalam Negeri, Koperasi dan Kepenggunaan]
3. (D.R. 29/2015) Rang Undang-undang Skim Kepentingan 2015. “

[Menteri Perdagangan Dalam Negeri, Koperasi dan Kepenggunaan]
4. (D.R. 34/2015) Rang Undang-undang Dadah Berbahaya (Langkah-Langkah Pencegahan Khas) (Pindaan) 2015. “

[Menteri Dalam Negeri]
5. (D.R. 37/2015) Rang Undang-undang Profesion Undang-undang (Pindaan) 2015 “

[Menteri di Jabatan Perdana Menteri]
6. (D.R. 39/2015) Rang Undang-undang Kanak-Kanak (Pindaan) 2015 “

[Menteri Pembangunan Wanita, Keluarga dan Masyarakat]
7. (D.R.9/2015) Rang Undang-undang Kanun Tatacara Jenayah (Pindaan) 2015 “

[Menteri di Jabatan Perdana Menteri]
8. (D.R.12/2015) Rang Undang-undang Keterangan (Pindaan) 2015 “

[Menteri di Jabatan Perdana Menteri]
9. (D.R.1/2016) Rang Undang-Undang Bekalan Gas (Pindaan) 2016 “

[Menteri di Jabatan Perdana Menteri]

10. (D.R.35/2015) Rang Undang-undang Persaingan “
(Pindaan) 2015

**[Menteri Perdagangan Dalam Negeri,
Koperasi dan Kepenggunaan]**

11. PR-1341-U72985

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa pembangunan infrastruktur di negeri Sabah masih jauh ketinggalan berbanding dengan negeri-negeri lain di Malaysia. Dan mengambil maklum juga bahawa negeri Sabah memerlukan lebih banyak dana demi untuk membangunkan kemudahan infrastruktur sekali di kawasan luar bandar serta keperluan-keperluan lain seperti masalah tebatan banjir, projek perumahan rakyat termiskin dan lain-lain. Dan mengambil maklum juga bahawa rakyat negeri Sabah juga beraspirasi seperti rakyat negeri Sarawak, sepertimana yang dinyatakan oleh YAB Tan Sri Adenan Satem (Ketua Menteri Sarawak) ingin memohon agar royalti minyak dapat dinaikkan kepada kadar 20%. Dan mengambil maklum juga, sekiranya royalti minyak dinaikkan pada kadar 20%, maka dengan lebih dana tersebut, kerajaan negeri Sabah akan dapat melaksanakan keperluan-keperluan di atas dengan lebih baik dan cepat lagi. Maka, bagi meredakan rungutan dan tuntutan rakyat negeri Sabah, maka Dewan yang mulia ini hendaklah mengambil ketetapan bahawa Kerajaan Malaysia menaikkan kadar royalti minyak bagi negeri Sabah kepada kadar 20% dan sekaligus membolehkan negeri Sabah membangun dengan lebih pesat lagi."

[Perdana Menteri]

12. PR-1341-U73002

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa kesesakan Jalan Putatan merupakan rungutan hampir setiap pengguna jalan tersebut. Dan mengambil maklum juga bahawa Jalan Putatan merupakan sebahagian daripada rangkaian Jalan Pan Borneo Highway yang mana sepatutnya mendapat perhatian utama dan bebas kesesakan. Dan mengambil maklum juga, bahawa kesesakan Jalan Putatan juga disebabkan rekabentuk yang kurang baik di mana terdapat terlalu banyak U-Turn dan simpang, yang menjadi penyebab utama kelancaran aliran trafik selain menjadi punca kemalangan. Dan mengambil maklum juga, bahawa kesesakan Jalan Putatan dapat diatasi dengan membina sebatang Jalan Pantai (Coastal Highway) alternatif yang menghubungkan pekan Tanjung Aru dengan Pekan Kinarut. Dan mengambil maklum juga bahawa, sekiranya jalan pantai alternatif yang dimaksudkan dibina, ianya juga boleh membantu untuk mengelakkan hakisan pantai di sepanjang laluan tersebut. Dan mengambil maklum juga bahawa, untuk membina jalan baru sebagai laluan alternatif bagi Jalan Putatan akan menelan belanja yang besar terutama sekali bagi tujuan pampasan tanah yang dilalui."

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah membina jalan pantai alternatif bagi Jalan Putatan demi untuk keselesaan rakyat yang menggunakan laluan tersebut."

[Menteri Kerja Raya]

13. PR-1341-U73023

Datuk Dr. Makin @ Marcus Mojigoh [Putatan] akan mencadangkan:-

"Bahawa Dewan ini mengambil maklum bahawa keengganan Kerajaan Persekutuan untuk mengiktiraf keputusan Peperiksaan Unified Examination Certificate (UEC) telah menimbulkan banyak kontroversi dan masalah terutama sekali kepada pelajar dan ibu/bapa pelajar yang terlibat. Dan mengambil maklum juga bahawa Negeri Sarawak merupakan negeri pertama di negara ini yang mengiktiraf keputusan peperiksaan UEC sepertimana yang diumumkan oleh YAB Tan Sri Adenan Satem dan sekali gus membolehkan pelajar terlibat meneruskan pengajian mereka dengan tanpa halangan di negeri Sarawak, misalnya di Universiti Malaysia Sarawak. Dan mengambil maklum juga bahawa dengan keengganan Kerajaan Malaysia untuk mengiktiraf keputusan peperiksaan UEC, pelajar yang terlibat terpaksa meneruskan pendidikan mereka di luar negara dan seterusnya bekerja serta menetap di luar negara adalah merupakan kerugian besar negara sebagaimana yang ditekankan oleh YAB Ketua Menteri Sarawak. Dan mengambil maklum juga, bahawa ramai pelajar dan ibu/bapa menganggap bahawa polisi untuk tidak mengiktiraf keputusan peperiksaan UEC ini bersifat diskriminasi di mana pelajar tersebut tidak berpeluang untuk berkhidmat dengan sektor awam di Malaysia.

Maka, bagi menangani masalah ini, Dewan yang mulia ini hendaklah mengambil ketetapan bahawa Kerajaan Malaysia hendaklah mengiktiraf keputusan peperiksaan Unified Examination Certificate bagi membolehkan pelajar yang terlibat meneruskan pendidikan mereka di negara ini serta berkhidmat di sektor awam di negara ini."

[Menteri Pendidikan]

14. PR-1341-U73036

Datuk Dr. Makin @ Marcus Mojigoh [Putatan] akan mencadangkan:-

Bahawa Dewan ini mengambil maklum bahawa kualiti air Sungai Sembulan adalah amat tercemar dan tidak sihat sama ada bagi hidupan marin mahupun bagi ekosistem marin negara ini. Dan mengambil maklum juga bahawa Sungai Sembulan merupakan rangkaian akhir aliran air dari beberapa siri saliran dan parit daripada beberapa taman perumahan yang berpenduduk padat, sebelum aliran air dilepaskan ke laut. Dan mengambil maklum juga bahawa kebanyakan sistem merawat air kumbahan yang ada di kawasan perumahan yang terlibat tidak lagi efisien untuk merawat air kumbahan tersebut sebelum dilepaskan ke saliran-saliran atau parit-parit yang akhirnya mengalir ke Sungai Sembulan sebelum berakhir ke laut. Dan mengambil maklum juga bahawa sebahagian besar terumbu karang di sekitar perairan negeri Sabah telah musnah

disebabkan oleh aktiviti manusia seperti pelepasan air kumbahan yang tidak terawat ke laut. Diketahui bahawa kemusnahan terumbu karang (Coral Bleaching) merupakan satu daripada penyebab utama pemanasan global. Dan mengambil maklum juga bahawa negara Malaysia adalah merupakan salah sebuah negara penyokong dan pendokong gerakan United Nation Environment Programme (UNEP) sesuai dengan deklarasi Global Climate Change Conference, Copenhagen 2009. Maka, bagi menangani masalah isu ini, Dewan ini hendaklah mengambil ketetapan bahawa Kerajaan hendaklah menyediakan satu dana khas bagi tujuan pembinaan loji rawatan air kumbahan di sekitar Sungai Sembulan sebelum air sungai tersebut dilepaskan ke laut bagi menyelamatkan ekosistem laut negara ini."

[Menteri Sumber Asli dan Alam Sekitar]

15. PR-1341-U71877

Tuan M. Kulasegaran [Ipoh Barat] akan mencadangkan:-

"Bahawa Dewan ini hendaklah mengambil maklum bahawa rang undang-undang harus digubal untuk mengelakkan kes penukaran agama kanak-kanak di bawah umur secara unilateral dengan adanya penguatkuasaan undang-undang yang sewajarnya serta berpadanan dengan nasihat Kabinet pada 2009 iaitu kanak-kanak dikekalkan agama asal mereka sebelum penukaran agama itu berlaku."

[Perdana Menteri]

16. PR-1341-U73419

Dr. Tan Seng Giaw [Kepong] akan mencadangkan:-

"Bahawa Dewan akan membincangkan keberkesanan Malaysia mencegah serangan ganas."

[Menteri Dalam Negeri]

17. PR-1341-U71858

Tuan Fong Kui Lun [Bukit Bintang] akan mencadangkan:-

"Bahawa Kerajaan mempergiatkan usaha untuk menyatupadukan rakyat berbilang kaum di Malaysia yang kelihatan masih lemah dan longgar meskipun negara telah menjadi negara merdeka dan berdaulat sejak 58 tahun lalu supaya mereka boleh hidup dengan aman dan saling memerlukan dan memahami bagi memudahkan mereka membangunkan ekonomi negara secara bersama dan merealisasikan impian Malaysia."

[Perdana Menteri]

18. PR-1341-U71862

Tuan Fong Kui Lun [Bukit Bintang] akan mencadangkan:-

"Bahawa Kerajaan memulihkan pilihan raya kerajaan tempatan seluruh negara supaya urus tadbir Kerajaan menjadi lebih cekap, akauntabiliti dan bersih dengan mengambil langkah pertama untuk membuat kajian serius dan melakukan pungutan suara antara rakyat."

[Menteri Kesejahteraan Bandar, Perumahan dan Kerajaan Tempatan]

19. PR-1341-U71883

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum serta menyedari bahawa Lembaga Tabung Haji adalah sebuah institusi kewangan yang penuh dengan kejayaan dan amat membanggakan rakyat Malaysia khususnya umat Islam. Institusi ini juga menjadi contoh untuk negara Islam yang lain ikuti. Maka ianya mesti dijaga dengan penuh ketelusan dan amanah. Sebarang penyelewangan wajib diambil tindakan pantas dan menyeluruh dan jika ianya runtuh maka orang yang mesti dipersalahkan ialah Perdana Menteri."

[Perdana Menteri]

20. PR-1341-U71884

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum bahawa Yayasan Pembangunan Ekonomi Islam Malaysia (YaPEIM) sebuah pertubuhan yang mendapat sokongan umat Islam di Malaysia.

Yayasan ini tertegak dengan niat yang penuh suci bagi membangunkan ekonomi umat Islam di samping menolong mereka yang tidak bernasib baik. Oleh sebab itu sokongan berterusan dari individu dan institusi kepada Yayasan ini membuktikan umat Islam negara ini amat prihatin dengan apa yang terjadi dalam masyarakat Islam. Tetapi membiarkan segelintir individu mengambil kesempatan dari kejayaan Yayasan ini hendaklah dikutuk sekeras-kerasnya. Tindakan lembab oleh Menteri dan Kerajaan dalam memantau perjalanan kewangan Yayasan ini juga harus menerima celaan. Sepatutnya semua pihak yang membelanjakan wang YaPEIM bukan pada tempatnya walaupun 'legally right' tetapi tetap 'morally wrong', mesti bertanggung jawab dan meletakkan jawatan atas kadar segera."

[Perdana Menteri]

21. PR-1341-U71886

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum kehidupan rakyat makin dihipit dengan harga barangan yang makin naik dan tidak terkawal akibat pengenalan cukai GST dan pengecilan nilai Ringgit. Semua rakyat di setiap lapisan masyarakat amat merasai keadaan ini. Kerajaan harus bertindak berani seperti yang pernah dilakukan oleh Mantan Perdana Menteri Tun Dr Mahathir Mohamad bila negara menghadapi masalah ekonomi yang mencemaskan pada penghujung tahun 90an. Tindakan utama yang mesti diambil sekarang ialah dengan mengurangkan perbelanjaan di Jabatan Perdana Menteri dan Kerajaan mesti mengamalkan sikap berjimat cermat di semua peringkat pentadbiran negara."

[Menteri Kewangan]

22. PR-1341-U71888

Dato' Johari bin Abdul [Sungai Petani] akan mencadangkan:-

"Bahawa Dewan ini menggesa Kementerian Pendidikan mengambil langkah-langkah segera supaya pelajar-pelajar kita mempunyai pengetahuan dan kebolehan bertutur dalam banyak bahasa terutamanya Bahasa Inggeris, Arab dan Mandarin akan membantu pelajar-pelajar kita bila meninggalkan alam persekolahan dan universiti nanti. Bahasa ini amat luas digunakan dalam kegiatan harian dan perniagaan dalam negeri dan luar negara. Majikan pasti akan mengambil pekerja yang berkebolehan lebih dari satu bahasa, kerana ianya akan menguntungkan majikan dalam banyak espek. Ketiga-tiga bahasa ini bukanlah sesuatu yang asing bagi kita. Kerajaan harus melihat bagaimana mengintegrasikan pengajaran bahasa-bahasa ini ke dalam sistem pendidikan yang sedia ada. Bayangkan seorang anak Malaysia fasih berbahasa Inggeris, Arab, Mandarin dan dapat mengungkapkan Bahasa Malaysia yang teratur. Sayang sekali apa yang kita sedia ada tidak dimanfaatkan untuk generasi akan datang."

[Menteri Pendidikan]

23. PR-1341-U71890

Dato' Johari bin Abdul [Sungai Petani] akan mencadangkan:-

"Bahawa Dewan ini mengambil maklum data jumlah pendatang asing yang berdokumen dan tidak berdokumen akan berbeza dari satu agensi kerajaan dengan agensi yang lain. Malah Menteri sendiri menjawab dalam Dewan Parlimen dengan menggunakan perkataan "ini anggaran". Ini bermaksud tiada siapa yang mempunyai data sebenar tentang berapa jumlah Bukan Rakyat Malaysia yang berada di sini. Ini amat membahayakan negara. Kerajaan mesti mengambil tindakan yang berterusan bagi mendaftar mereka yang tidak berdokumen. Tindakan mendaftar dengan mengambil tindakan undang-undang terhadap mereka adalah dua perkara yang berbeza. Yang penting adalah setiap manusia yang berada di negara ini mesti mempunyai dokumen. Tindakan segera mesti diambil dan mestilah berterusan."

[Menteri Dalam Negeri]

24. PR-1341-U72582

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk menghalang dan mengharamkan penjualan arak murahan (cheap liquor) secara mudah dan murah yang semakin berleluasa. Gejala pengambilan arak murahan ini menimbulkan pelbagai masalah sosial seperti keganasan rumah tangga dan gengsterisme serta merosakkan organ dalaman. Di samping itu, kawalan dan penyeliaan terhadap kedai-kedai menjual arak perlu diketatkan. Masa penjualan arak dan lokasi minum arak perlu dikaji. Kawasan tempat awam seperti di taman awam dan taman permainan kanak-kanak, minum arak wajib diharamkan. Dewan ini juga wajib mempertimbangkan penubuhan Pusat Pemulihan Arak (PPA) di setiap negeri di Malaysia untuk membendung masalah minum arak yang semakin berleluasa di kalangan anak muda merentasi sempadan bangsa dan agama."

[Menteri Kesejahteraan Bandar, Perumahan dan Kerajaan Tempatan]

25. PR-1341-U72584

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis DiRaja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan."

[Menteri Dalam Negeri]

26. PR-1341-U72589

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

[Menteri Pendidikan]

27. PR-1341-U72617

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini akan menggesa Kerajaan untuk menegakkan prinsip berkecuali sebagaimana yang ditetapkan dalam Non-Alliance Movement (NAM) dan menegaskan bahawa Malaysia tidak akan mengambil bahagian atau menghantar askar untuk menyertai gabungan tentera yang dipimpin Arab Saudi dalam serangan terhadap Yemen, Syria atau mana-mana negara di Timur Tengah."

[Menteri Luar Negeri]

28. PR-1341-U72624

Tuan Chua Tian Chang @ Tian Chua [Batu] akan mencadangkan:-

"Bahawa Dewan ini menggesa Kerajaan untuk membantu penganggur dengan menyediakan bantuan kewangan secara tunai sebanyak RM1200 sebulan untuk tempoh 3 bulan selepas diberhentikan. Skim ini membolehkan pekerja-pekerja yang menganggur menjamin sara hidup mereka sewaktu mencari pekerjaan baru."

[Menteri Sumber Manusia]